

Gwnaethpwyd y Cynllun hwn dan Fesur Llywodraeth Leol (Cymru) 2011 ("y Mesur") gan ystyried Rheoliadau Panel Annibynnol Cymru ar Gydnabyddiaeth Ariannol (PACGA) sy'n berthnasol i daliadau a wneir i aelodau ac aelodau cyfetholedig o awdurdodau lleol.

1. Cyflog Sylfaenol

- 1.1 Bydd Cyflog Sylfaenol yn cael ei dalu i bob Aelod Etholedig o'r Awdurdod.
- 1.2 Yn unol â'r Rheoliadau, bydd cyfradd y Cyflog Sylfaenol yn cael ei hadolygu'n flynyddol fel y pennir gan Banel Annibynnol Cymru ar Gydnabyddiaeth Ariannol.
- 1.3 Pan fo cyfnod swydd Aelod yn dechrau neu'n gorffen ar adeg ar wahân i ddechrau neu ddiwedd blwyddyn, bydd ei hawl i Gyflog Sylfaenol ar sail pro-rata.
- 1.4 Nid yw mwy nac un Cyflog Sylfaenol yn daladwy i Aelod o'r Awdurdod.

2. Uwch Gyflogau a Chyflogau Dinesig

- 2.1 Bydd Aelodau sydd â swyddi penodol yn derbyn Uwch Gyflog fel y pennir yn Atodlen 1.
- 2.2 Yn unol â'r Rheoliadau, bydd cyfradd yr Uwch Gyflogau a'r Cyflogau Dinesig yn cael eu hadolygu'n flynyddol fel y pennir yn Adroddiad Blynyddol neu Atodol Panel Annibynnol Cymru ar Gydnabyddiaeth Ariannol.
- 2.3 Dim ond un Uwch Gyflog neu Gyflog Dinesig sy'n daladwy i Aelod o'r Awdurdod.
- 2.4 Ni ellid talu Uwch Gyflog a Chyflog Dinesig i Aelod o'r Awdurdod.
- 2.5 Mae'r holl Uwch Gyflogau a'r Cyflogau Dinesig yn cynnwys Cyflog Sylfaenol.
- 2.6 Ni ellid talu Uwch Gyflog i nifer uwch o Aelodau na'r hyn a bennir gan Banel Annibynnol Cymru ar Gydnabyddiaeth Ariannol yn ei Adroddiad Blynyddol, ac nid oes modd i'r nifer hwnnw fod yn fwy na deg ar hugain y cant o holl aelodaeth yr awdurdod, heblaw unigolion mewn swyddi sydd ag Uwch Gyflog, sy'n gweithio dros gyfnod o absenoldeb teuluol unigolyn mewn swydd barhaol.
- 2.7 Ni all Aelod o'r Awdurdod sy'n derbyn Uwch Gyflog Band 1 neu 2 (h.y. Arweinydd, Dirprwy Arweinydd ac Aelodau Cabinet) dderbyn cyflog gan Awdurdod Parc Cenedlaethol (APC) neu Awdurdod Tân ac Achub (ATA) y mae'n aelod ohonynt.
- 2.8 Pan fo cyfnod Uwch Gyflog neu Gyflog Dinesig Aelod yn dechrau neu'n gorffen ar adeg ar wahân i ddechrau neu ddiwedd blwyddyn, bydd ei hawl i'r Cyflog ar sail pro-rata.

3. Etholiad i Anwybyddu Hawl i gyflogau, lwfansau neu ffioedd

- 3.1 Gall Aelod, drwy gyflwyno rhybudd ysgrifenedig i'r Swyddog Monitro, wneud dewis personol i anwybyddu unrhyw ran o'i hawl i unrhyw gyflog, lwfans neu ffi sy'n daladwy dan y Cynllun hwn o'r dyddiad a bennir yn y rhybudd.

4. Gwahardd Aelod

- 4.1 Pan fo Aelod o'r Awdurdod yn cael ei wahardd neu'n cael ei wahardd yn raddol o'i gyfrifoldebau neu ddyletswyddau fel Aelod o'r Awdurdod yn unol â Rhan III o Ddeddf Llywodraeth Leol 2000 (Ymddygiad Aelodau), neu reoliadau a wnaethpwyd dan y Ddeddf, ni fydd yr Awdurdod yn talu'r rhan honno o'r Cyflog Sylfaenol sy'n daladwy iddo dros y cyfnod y mae ef/hi wedi'i wahardd (Adran 155 (1) o'r Mesur).
- 4.2 Pan fo Aelod sy'n derbyn Uwch Gyflog yn cael ei wahardd neu ei wahardd yn rhannol o'i gyfrifoldebau fel Aelod o'r Awdurdod, yn unol â Rhan III o Ddeddf Llywodraeth Leol 2000 (Ymddygiad Aelodau), neu reoliadau a wnaethpwyd dan y Ddeddf, ni fydd yr Awdurdod yn talu Uwch Gyflog yr Aelod dros gyfnod y gwaharddiad (Adran 155 (1) o'r Mesur). Os yw'r gwaharddiad rhannol yn berthnasol i elfen cyfrifoldeb penodol o'r taliad, gall yr Aelod dderbyn Cyflog Sylfaenol.

5. Ad-dalu cyflogau, lwfansau neu ffioedd

- 5.1 Pan fo unrhyw gyflog, lwfans neu ffi wedi'i dalu i Aelod o'r Awdurdod neu Aelod Cyfetholedig mewn perthynas ag unrhyw gyfnod y mae'r Aelod dan sylw:
- (a) wedi'i wahardd neu wedi'i wahardd yn rhannol o ddyletswyddau neu gyfrifoldebau'r Aelod/Aelod Cyfetholedig yn unol â Rhan 3 o Ddeddf 2000 neu reoliadau a wnaethpwyd dan y Ddeddf honno;
 - (b) yn peidio â bod yn Aelod o'r Awdurdod neu'n Aelod Cyfetholedig; neu
 - (c) mewn unrhyw ffordd arall yn anaddas i dderbyn cyflog, lwfans neu ffi mewn perthynas â'r cyfnod hwnnw,

bydd yr Awdurdod yn gofyn i unrhyw ran o'r cyflog, lwfans neu ffi fel sy'n berthnasol i unrhyw gyfnod o'r fath gael ei ad-dalu.

6. Taliadau

- 6.1 Bydd pob cyflog, lwfans neu ffi yn cael ei dalu ar ffurf 12 rhandaliad o hawl blynyddol yr Aelod gan dîm Cyflogau'r Cyngor drwy drosglwyddiad BACS fel arfer ar y 15fed o bob mis.
- 6.2 Pan fo taliad wedi arwain at Aelod yn derbyn mwy na'i hawl i gyflogau, lwfansau neu ffioedd, bydd yr Awdurdod yn gofyn i'r gordaliad gael ei ad-dalu.
- 6.3 Mae pob taliad yn destun gostyngiadau treth ac Yswiriant Gwladol priodol.

7. Ad-dalu Costau Gofal

- 7.1 Bydd Mae Panel Annibynnol Cymru ar Gydnabyddiaeth Ariannol (PACGA) wedi nodi bod rhoi cymorth ariannol i aelodau â chyfrifoldebau gofal neu anghenion personol yn ffactor pwysig wrth wella a chynnal amrywiaeth aelodaeth y Cyngor. Mae Cyngor Caerdydd yn ymrwymedig i'r egwyddorion craidd o ran Ad-dalu Costau Gofal yn [Adroddiad Ategol PACGA](#) a gyhoeddwyd ym Mai 2020.
- 7.2 Bydd ad-daliad o Gostau Gofal yn cael ei dalu i Aelod neu Aelod Cyfetholedig i ad-dalu costau gofal angenrheidiol ar gyfer plant ac oedolion dibynnol, ac ar gyfer anghenion cymorth personol, cyn belled bod yr Aelod wedi creu'r costau hynny wrth ymwneud a dyletswyddau 'cymeradwy' y Cyngor.
- 7.3 Mae ad-dalu costau gofal yn berthnasol mewn perthynas â phlant dan 15 a phobl eraill y gall yr Aelod neu'r Aelod Cyfetholedig brofi bod angen gofal arnynt. Os oes gan Aelod neu Aelod Cyfetholedig fwy nac un unigolyn dibynnol, gall yr Aelod hawlio mwy nac un lwfans, cyn belled ag y bod modd i'r Aelod ddangos tystiolaeth o'r angen i wneud trefniadau gofal ar wahân.
- 7.4 Gall Aelodau Cymwys hawlio am ad-daliad costau gofal ar gyfer costau gwirioneddol ac â derbynneb ar gyfer dyletswyddau cymeradwy fel y dangosir yn **Atodlen 2**. Dylai pob cais i ad-dalu costau gofal gael ei wneud yn ysgrifenedig i'r Gwasanaethau Democrataidd gan fanylu amseroedd, dyddiadau a rhesymau dros gais. Rhaid dangos derbyniadau ar gyfer trefniadau gofal ffurfiol ac anffurfiol.

8. Absenoldeb Teuluol

- 8.1 Mae gan Aelodau hawl dan ddarpariaethau Rheoliadau Absenoldeb Teuluol ar gyfer Aelodau Awdurdodau Lleol (Cymru) 2013 i gyfnod o absenoldeb teuluol, ac os maent yn bodloni'r amodau penodol mae ganddynt yr hawl i fod yn absennol yng nghyfarfodydd yr awdurdod.
- 8.2 Wrth gymryd absenoldeb teuluol, mae gan Aelod yr hawl i gael cyflog sylfaenol waeth beth fu'i record presenoldeb yn syth ar ôl dechrau'r absenoldeb teuluol.
- 8.3 Os yw Aelod sy'n derbyn uwch gyflog yn gymwys i gael absenoldeb teuluol, byddant yn parhau i dderbyn yr uwch gyflog drwy gydol yr absenoldeb.
- 8.4 Os ydy'r awdurdod yn cytuno ei bod hi'n angenrheidiol i wneud penodiad dros dro i lenwi swydd aelod sy'n derbyn uwch gyflog, bydd yr eilydd hwnnw yn gymwys i gael uwch gyflog ar ddisgresiwn yr awdurdod.
- 8.5 Os yw'r eilydd cyflogedig yn golygu bod yr awdurdod dros ei uchafswm o uwch gyflogau, bydd ychwanegiad i'r uchafswm hwnnw'n cael ei gymeradwyo dros gyfnod yr eilydd.

9. Taliadau Aelodau Cyfetholedig

- 9.1 Bydd ffi ddyddiol yn cael ei dalu i Aelodau Cyfetholedig (gydag opsiwn am daliadau hanner diwrnod), cyn belled â'u bod yn Aelodau Cyfetholedig Statudol gyda hawliau i bleidleisio.

- 9.2 Bydd taliadau Aelodau Cyfetholedig yn cael eu capio ar uchafswm o gyfwerth â 10 diwrnod llawn fesul blwyddyn ar gyfer pob pwyllgor y gall unigolyn gael ei gyfethol iddo.
- 9.3 Bydd taliadau'n ystyried amser teithio i ac o leoliad y cyfarfod, amser rhesymol ar gyfer paratoi cyn y cyfarfod a hyd y cyfarfod (hyd at uchafswm y radd ddyddiol).
- 9.4 Dynodir Pennaeth y Gwasanaethau Democrataidd yn "swyddog priodol" fydd yn pennu amser paratoi, amser teithio a hyd y cyfarfod; bydd y ffi yn cael ei dalu ar sail y penderfyniad hwn.
- 9.5 Gall Pennaeth y Gwasanaethau Democrataidd bennu o flaen llaw p'un a oes cyfarfod wedi'i drefnu ar gyfer diwrnod cyfan ai peidio, a bydd y ffi yn cael ei dalu ar sail y penderfyniad hwn hyd yn oed os yw'r cyfarfod yn dod i ben o fewn pedwar awr.
- 9.6 Diffinnir cyfarfod hanner diwrnod yn gyfarfod sy'n para hyd at 4 awr.
- 9.7 Diffinnir cyfarfod diwrnod cyfan yn gyfarfod sy'n para dros 4 awr.
- 9.8 Gweler ffi ddyddiol a ffi hanner diwrnod Cadeiryddion y Pwyllgor Safonau a'r Pwyllgor Archwilio fel y'i pennir gan Banel Annibynnol Cymru ar Gydnabyddiaeth Ariannol yn Atodlen 1.
- 9.9 Gweler ffi ddyddiol a ffi hanner diwrnod Aelodau Cyfetholedig Statudol eraill gyda'r hawl i bleidleisio fel y'i pennir gan Banel Annibynnol Cymru ar Gydnabyddiaeth Ariannol yn Atodlen 1.

10. Lwfansau Teithio a Chynhaliaeth

- 10.1 Egwyddorion Cyffredinol
- 10.2 Gall Aelodau ac Aelodau Cyfetholedig hawlio costau teithio wrth deithio ar fusnes yr Awdurdod ar gyfer 'dyletswyddau wedi'u cymeradwyo' fel y nodir yn Atodlen 2. Pan fo Aelodau'n teithio ar fusnes yr Awdurdod, mae disgwyl iddynt deithio yn y modd mwyaf cost-effeithiol. Ystyrir hyd y daith wrth asesu effeithiolrwydd cost. Gall hawliad Aelod leihau o swm priodol os nad yw Aelod yn defnyddio'r modd mwyaf cost-effeithiol i deithio.
- 10.3 Dylai Aelodau rannu trafndiaeth ble bo'n bosib gwneud hynny.
- 10.4 Dylai'r pellter milltiroedd a hawlir fod y daith resymol fyrrach ar y ffordd o'r pwynt dechrau i'r pwynt y gwneir y ddyletswydd, ac yn yr un modd o bwynt y ddyletswydd i'r pwynt dychwelyd.
- 10.5 Nodir graddfeydd lwfansau teithio a chynhaliaeth Aelodau yn Atodlen 3 ac maent yn destun adolygiad blynyddol gan (PACGA).
- 10.6 Pan fo Aelod o'r Awdurdod yn cael ei wahardd o'i gyfrifoldebau neu ddyletswyddau fel Aelod o'r Awdurdod yn unol â Rhan III o Ddeddf Llywodraeth Leol 2000 (Ymddygiad Aelodau), neu reoliadau a wnaethpwyd dan y Ddeddf, ni fydd yr Awdurdod yn talu unrhyw lwfansau teithio a chynhaliaeth sy'n daladwy iddo dros y

cyfnod y mae ef/hi wedi'i wahardd neu ei wahardd yn raddol.

11. Teithio â Cherbyd Preifat

- 11.1 Mae Panel Annibynnol Cymru ar Gydabyddiaeth Ariannol wedi pennu y dylai uchafswm y graddfeydd teithio sy'n daladwy fod y graddfeydd a bennir gan Gyllid a Thollau Ei Mawrhydi er diben ceir preifat, beiciau modur a beiciau ynghyd ag ychwanegiad teithiwr.
- 11.2 Nodir graddfeydd milltiroedd cerbydau preifat fel y'i diffinnir gan Banel Annibynnol Cymru ar Gydabyddiaeth Ariannol yn Atodlen 3.
- 11.3 Pan fo Aelod yn defnyddio ei gerbyd/cherbyd preifat ei hun ar gyfer busnes y Cyngor, mae'n rhaid sicrhau bod y cerbyd wedi'i yswirio ar gyfer defnydd busnes. Rhaid dangos tystiolaeth o yswiriant priodol ar gais yr Awdurdod.

12. Teithio ar Drafnidiaeth Gyhoeddus

12.1 Teithio ar Drên neu Fws

Onid y derbynnir caniatâd, bydd tocynnau trên yn rai ail-ddosbarth.

Fel arfer, bydd Gwasanaethau Democrataidd neu Swyddfa Cefnogi'r Cabinet yn prynu'r tocynnau trên neu fws perthnasol i Aelodau cyn y daith. Yn y digwyddiad annisgwyl fod Aelod angen prynu tocyn yn uniongyrchol, bydd yr arian yn cael ei dalu nôl iddo wrth iddo ddangos y tocyn a ddefnyddiwyd ac/neu'r dderbynneb.

12.2 Prisiau Tacsî

Bydd prisiau tacsî yn cael eu had-dalu pan fo defnyddio tacsî wedi'i awdurdodi ar gyfer achosion brys, pan nid yw trafndiaeth gyhoeddus ar gael yn rhesymol, neu pan fydd gan Aelod angen personol penodol. Dim ond drwy ddangos derbynneb y bydd y pris yn cael ei ad-dalu.

12.3 Prisiau Hedfan

Onid y byddant wedi'u hawdurdodi fel arall, bydd tocynnau hedfan yn nosbarth economi neu 'budget'. Bydd tocynnau hedfan â disgownt yn cael eu prynu ymhell o flaen llaw ble bo'n bosib er mwyn lleihau costau.

Caniateir teithio ar awyren os mai dyma yw'r ffordd fwyaf cost-effeithiol o deithio. Rhaid cael cymeradwyaeth y Swyddog Monitro, a bydd tocynnau fel arfer yn cael eu prynu gan Wasanaethau Democrataidd neu Swyddfa Cefnogi'r Cabinet, fel sy'n briodol.

12.4 Teithio Dramor

Dim ond ar ôl derbyn cymeradwyaeth Pennaeth y Gwasanaethau Democrataidd y caniateir teithio dramor ar fusnes yr Awdurdod. Fel arfer, bydd Gwasanaethau Democrataidd neu Swyddfa Cefnogi'r Cabinet yn trefnu teithio a llety.

12.5 Costau Teithio Eraill

Bydd gan Aelodau'r hawl i gael arian yn ôl am ffioedd toll, ffioedd parcio, cadw car dros nos a chostau teithio angenrheidiol cysylltiedig eraill. Dim ond drwy ddangos derbynneb bydd y pris yn cael ei ad-dalu.

13. Llety Dros Nos

- 13.1 Bydd aros dros nos yn cael ei ganiatáu pan fo busnes yr Awdurdod yn o leiaf dau ddiwrnod, neu pan fo pellter y lleoliad cyhyd nad yw hi'n rhesymol i deithio'n gynnar yn y bore nac yn hwyr yn y nos. Rhaid i bob cyfnod dros nos gael ei awdurdodi gan y Swyddog Monitro o flaen llaw.
- 13.2 Fel arfer, bydd llety dros nos yn cael ei archebu gan y Gwasanaethau Democrataidd neu Swyddfa Cefnogi'r Cabinet, fel sy'n briodol. Ble bo'n bosib bydd y llety dros nos yn cael ei dalu o flaen llaw neu'n cael ei anfonebu.
- 13.3 Caniateir i Aelod archebu llety dros nos yn uniongyrchol mewn achos brys yn unig. Bydd y ffioedd yn cael ei ad-dalu drwy ddangos derbynneb, a bydd ar lefel a bennir yn resymol, ddim mwy na'r graddfeydd a bennir yn Atodlen 3.

14. Lwfans Cynhaliath

- 14.1 Nodir y raddfa gynhaliath i gynnwys costau prydau a lluniaeth mewn perthynas â dyletswyddau sydd wedi'u cymeradwyo (gan gynnwys brechwast pan nad ydyw wedi'i ddarparu fel rhan o'r llety dros nos) yn Atodlen 3. Mae uchafswm y raddfa ddyddiol yn cynnwys cyfnod o 24 awr a all gael ei hawlio ar gyfer unrhyw bryd perthnasol, cyn belled a bod pob hawliad wedi'i ategu gan dderbynneb.
- 14.2 Nid oes darpariaethau ar gyfer hawliadau cynhaliath o fewn terfynau gweinyddol y Cyngor.

15. Hawliadau a Thaliadau

- 15.1 Rhaid cyflwyno cais am lwfansau teithio a chynhaliath o fewn tri mis o ddiwedd y mis calendr y mae'r hawliad am lwfans yn codi ac mae'n rhaid iddo gael ei ategu gan dderbynebbion perthnasol.
- 15.2 Bydd lwfansau yn cael eu talu gan dîm Cyflogau'r Cyngor gan drosglwyddiad BACS.

16. Pensiynau

- 16.1 Bydd yr Awdurdod yn galluogi ei Aelodau sy'n gymwys i ymuno â Chynllun Pensiwn Llywodraeth Leol.

17. Cydymffurfio

17.1 Yn unol â'r Rheoliadau, rhaid i'r Awdurdod gydymffurfio â gofynion y Panel mewn perthynas â monitro a chyhoeddi taliadau a wneir i aelodau ac aelodau cyfetholedig fel y'i pennir yn Atodlen 4.

Atgoffir yr aelodau bod hawliadau costau yn destun archwilio mewnol ac allanol.

ATODLEN 1

ATODLEN CYDNABYDDIAETH TÂL AELODAU 2018-2019

AELODAU SYDD Â HAWL I GYFLOG SYLFAENOL			SWM BLYNYDDOL O GYFLOG SYLFAENOL
Mae'r Aelodau Etholedig a enwyd ar ôl yr awdurdod yn derbyn y Cyflog Sylfaenol			£14,218
Cyng Ali Ahmed	Cyng Gavin Hill-John	Cyng Linda Morgan	
Cyng Ashgar Ali	Cyng Philippa Hill-John	Cyng Daniel Naughton	
Cyng Dilwar Ali	Cyng Robert Hopkins	Cyng Oliver Owen	
Cyng Rodney Berman	Cyng Lyn Hudson	Cyng Thomas Parkhill	
Cyng Fenella Bowden	Cyng Frank Jacobsen	Cyng Keith Parry	
Cyng Bowen-Thomson	Cyng Owen Jones	Cyng Mike Phillips	
Cyng Burke-Davies	Cyng Jones-Pritchard	Cyng Dianne Rees	
Cyng Joe Carter	Cyng Heather Joyce	Cyng Mia Rees	
Cyng Jayne Cowan	Cyng Kathryn Kelloway	Cyng Emma Sandrey	
Cyng Stephen Cunnah	Cyng John Lancaster	Cyng Abdul Sattar	
Cyng Bob Derbyshire	Cyng Christopher Lay	Cyng Elaine Simmons	
Cyng Sean Driscoll	Cyng Susan Lent	Cyng Kanaya Singh	
Cyng Saeed Ebrahim	Cyng Ashley Lister	Cyng Ed Stubbs	
Cyng Lisa Ford	Cyng Siân-Elin Melbourne	Cyng Rhys Taylor	
Cyng Andrea Gibson	Cyng Neil McEvoy	Cyng Graham Thomas	
Cyng Susan Goddard	Cyng Mary McGarry	Cyng Joel Williams	
Cyng Iona Gordon	Cyng Rod McKerlich	Cyng Peter Wong	
Cyng Jane Henshaw	Cyng Bablin Molik	Cyng Ashley Wood	

	HAWL I UWCH GYFLOG (sy'n cynnwys Cyflog Sylfaenol)		SWM BLYNYDDOL O UWCH GYFLOG
	SWYDD	AELOD	
1.	Arweinydd	Cyng Huw Thomas	£54,450
2.	Dirprwy Arweinydd a Aelod Cabinet Addysg, Gwaith a Sgiliau	Cyng Sarah Merry	£38,450
3.	Aelod Cabinet dros Blant a Theuluoedd	Cyng Graham Hinchey	£33,450
4.	Aelod Cabinet dros Strydoedd Glân, Ailgylchu a'r Amgylchedd	Cyng Michael Michael	£33,450
5.	Aelod Cabinet dros Ddiwylliant a Hamdden	Cyng Peter Bradbury	£33,450
6.	Aelod Cabinet dros Gyllid, Moderneiddio a Pherfformiad	Cyng Chris Weaver	£33,450
7.	Aelod Cabinet dros Dai a Chymunedau	Cyng Lynda Thorne	£33,450

	HAWL I UWCH GYFLOG (sy'n cynnwys Cyflog Sylfaenol)		SWM BLYNYDDOL O UWCH GYFLOG
	SWYDD	AELOD	
8.	Aelod Cabinet dros Fuddsoddi a Datblygu	Cyng Russell Goodway	£33,450
9.	Aelod Cabinet dros Gofal Cymdeithasol, Iechyd a Lles	Cyng Susan Elsmore	£33,450
10.	Aelod Cabinet dros Gofal Cymdeithasol, Iechyd a Lles	Cyng Caro Wild	£33,450
11.	Cadeirydd y Pwyllgor Craffu Plant a Phobl Ifanc	Cyng Lee Bridgeman	£22,568
12.	Cadeirydd y Pwyllgor Craffu Gwasanaethau Cymunedol ac Oedolion	Cyng Shaun Jenkins	£22,568
13.	Cadeirydd y Pwyllgor Craffu'r Economi a Diwylliant	Cyng Nigel Howells	£22,918
14.	Cadeirydd y	Cyng Ramesh Patel	£22,918
15.	Cadeirydd y Pwyllgor Craffu Adolygu Polisi a Pherfformiad	Cyng David Walker	£22,918
16.	Cadeirydd y Pwyllgor Cynllunio	Cyng Keith Jones	£22,918
17.	Cadeirydd y Pwyllgorau Trwyddedu a Diogelwch Cyhoeddus	Cyng Norma Mackie	£22,918
18.	Arweinydd y Grŵp Gwrthwynebiad Mwyaf	Cyng Adrian Robson	£22,918
19.	Arweinydd y Grŵp	Cyng Joe Boyle	£17,918

Gall uchafswm o 19 o uwch gyflogau gael eu talu ar gyfer Cyngor Dinas Caerdydd ac ni thalwyd swm mwy na hyn.

HAWL I GAEL CYFLOG DINESIG		SWM BLYNYDDO L O GYFLOG DINESIG
SWYDD	AELOD	
Pennaeth Dinesig (Maer / Cadeirydd)	Cyng Daniel De'Ath	£22,918
Dirprwy Bennaeth Dinesig (Dirprwy Faer / Cadeirydd)	Cyng Jacqueline Parry	£17,918

HAWL FEL AELODAU CYFETHOLEDIG STATUDOL		SWM Y LWFANSAU I AELODAU CYFETHOLEDIG
SWYDD	AELOD	
Cadeirydd y Pwyllgor Safonau a Moeseg	Dr James Downe	Ffi dyddiol o £256 (4 awr a throsodd) Ffi hanner diwrnod o £128 (hyd at 4 awr)
Cadeirydd y Pwyllgor Archwilio	D Hugh Thomas	Ffi dyddiol o £256 (4 awr a throsodd) Ffi hanner diwrnod o £128 (hyd at 4 awr)
Aelodau Cyfetholedig Statudol – aelodau arferol:		Ffi dyddiol o £198 (4 awr a throsodd) Ffi hanner diwrnod o £99 (hyd at 4 awr)
Pwyllgor Archwilio	<ul style="list-style-type: none"> • Gavin McArthur • David Price • David Hugh Thomas 	
Pwyllgor Craffu Plant a Phobl Ifanc	<ul style="list-style-type: none"> • Patricia Arlotte • Carol Cobert • Karen Dell-Armi • Matthew Richards 	
Pwyllgor Safonau a Moeseg	<ul style="list-style-type: none"> • Holly Edwards-Davies • Chrissie Nicholls • Jason Bartlett • Arthur Hallett • Y Cynghorydd Cymunedol Stuart Thomas 	

AELODAU SY’N GYMWYS I DDERBYN LWFANS GOFAL	
Pob Aelod	Hyd at uchafswm o £403 fesul mis

ATODLEN 2

Dyletswyddau sydd wedi'u cymeradwyo:

- mynychu cyfarfod o'r Awdurdod neu unrhyw bwyllgor yr Awdurdod neu unrhyw gorff y mae'r Awdurdod yn penodi neu'n enwebu iddo neu unrhyw bwyllgor corff o'r fath;
- mynychu cyfarfod unrhyw gymdeithas o awdurdodau y mae'r Awdurdod yn aelod ohoni;
- mynychu unrhyw gyfarfod arall sydd wedi'i gymeradwyo gan yr Awdurdod neu gan bwyllgor o'r Awdurdod neu gan gydbwyllgor o'r Awdurdod ac un neu fwy o Awdurdodau eraill;
- dyletswydd a wneir er diben neu mewn perthynas â swyddogaethau'r Cabinet;
- dyletswydd a wneir mewn perthynas â gorchymyn sefydledig sy'n golygu bod rhaid i Aelodau neu Aelod fod yn bresennol pan fo dogfennau tendr yn cael eu hagor;
- dyletswydd a wneir mewn perthynas ag unrhyw swyddogaeth yr Awdurdod sy'n grymuso neu sy'n gofyn i'r Awdurdod archwilio neu awdurdodi archwilio eiddo;
- mynychu unrhyw hyfforddiant neu ddigwyddiad datblygu a gymeradwyir gan yr Awdurdod neu ei Gabinet.
- mynychu unrhyw hyfforddiant neu ddigwyddiad datblygu a gymeradwyir gan yr Awdurdod, Cabinet neu Bwyllgor y Gwasanaethau Democrataidd.
- mynychu unrhyw ddigwyddiad datblygu anwleidyddol personol neu weithgaredd sy'n berthnasol i rôl yr aelod unigol gyda chytundeb rhag blaen y Pennaeth Gwasanaethau Democrataidd.
- presenoldeb mewn cyfarfodydd sy'n ymwneud â diogelwch personol Aelod unigol.

ATODLEN 3

Graddfeydd Costau Teithio

Pob maint o gerbyd modur preifat Hyd at 10,000 milltir Dros 10,000 milltir	45 ceiniog fesul milltir 2 5 ceiniog fesul milltir
Beiciau Modur	24 ceiniog fesul milltir
Preifat Beic	20 ceiniog fesul milltir
Ychwanegiad teithiwr	5 ceiniog fesul teithiwr fesul milltir

Lwfans Cynhaliaeth

- Yr uchafswm o lwfans ar gyfer aros dros nos yw £200 ar gyfer Llundain a £95 ar gyfer pob man arall.
- Mae uchafswm o £30 ar gael ar gyfer aros dros nos gyda ffrindiau neu berthnasau tra'n gweithio ar ddyletswyddau cymeradwy.
- Mae'r lwfans cynhaliaeth ddydd hyd at £28 ac yn cwmpasu cyfnod 24 awr. Gellir ei hawlio am unrhyw bryd, gan gynnwys brecwast, lle na ddarperir gofal fel rhan o dâl dros nos.
- Rhaid i bob cais gael ei ategu gan dderbynebaw ac ni chaniateir ad-daliadau am ddiodydd cadarn.

ATODLEN 4

Cydymffurfio

- Bydd yr awdurdod yn trefnu iddo gael ei gyhoeddi ar wefan y cyngor, y swm i'w dalu i bob aelod ac aelod cyfetholedig mewn perthynas â chyflog, lwfansau, ffioedd ac ad-daliadau ddim hwyrach na 30 Medi ar ôl diwedd y flwyddyn y mae'n berthnasol iddi. O ran tryloywder, bydd hyn yn cynnwys cyflog ar gyfer pob apwyntiad gwasanaeth cyhoeddus sydd gan aelodau cyfetholedig.
- Bydd yr awdurdod yn cyhoeddi datganiad o gyfrifoldeb sylfaenol cynghorydd ar wefan y cyngor a swydd ddisgrifiadau pob unigolyn sydd ag uwch gyflog, sy'n nodi'n glir y dyletswyddau a ddisgwylir.
- Bydd yr awdurdod yn cyhoeddi atodlen blynyddol tal aelodau ar wefan y cyngor ddim hwyrach na 31 Gorffennaf yn ystod y flwyddyn y mae'r atodlen yn berthnasol iddi.
- Bydd yr awdurdod yn anfon copi o'r atodlen i'r Panel Annibynnol ar Gydnabyddiaeth Ariannol ddim hwyrach na 31 Gorffennaf yn ystod y flwyddyn y mae'r atodlen yn berthnasol iddi.
- Bydd yr awdurdod yn cynnal cofnodion o bresenoldeb aelodau/aelodau cyfetholedig mewn cyfarfodydd y cyngor, cabinet a phwyllgorau.
- Bydd yr awdurdod yn trefnu cyhoeddi adroddiadau blynyddol aelodau ar wefan y cyngor.
- Pan fo awdurdod yn cytuno absenoldeb teuluol â thal, bydd yn hysbysu'r Panel Annibynnol ar Gydnabyddiaeth Ariannol o fewn 14 diwrnod o ddyddiad penderfynu ar y manylion, gan gynnwys y swydd benodol a chyfnod yr absenoldeb.